

# საქართველოს კანონი

საქართველოს ადმინისტრაციულ სამართალდარღვევათა კოდექსში ცვლილების შეტანის შესახებ  
**მუხლი 1.** საქართველოს ადმინისტრაციულ სამართალდარღვევათა კოდექსში (საქართველოს სსრ უმაღლესი საბჭოს უწყებები, №12, 1984 წელი, მუხ. 421) შეტანილ იქნეს შემდეგი ცვლილება:

1. კოდექსს დაემატოს შემდეგი შინაარსის 139<sup>5</sup> მუხლი:

**„მუხლი 139<sup>5</sup>. გადამყვანი კომპანიის მიერ საქართველოს კანონმდებლობით დადგენილი ვალდებულების შეუსრულებლობა**

გადამყვანი კომპანიის მიერ „უცხოელთა და მოქალაქეობის არმქონე პირთა სამართლებრივი მდგომარეობის შესახებ“ საქართველოს კანონის მე-13 მუხლით დადგენილი ვალდებულების შეუსრულებლობა –

გამოიწვევს გადამყვანი კომპანიის ან გადამყვანი კომპანიის წარმომადგენლის დაჯარიმებას სახმელეთო ტრანსპორტის შემთხვევაში 300 ლარის ოდენობით, საზღვაო ტრანსპორტის შემთხვევაში – 1000 ლარის ოდენობით, ხოლო საჰაერო ტრანსპორტის შემთხვევაში – 1500 ლარის ოდენობით.

შენიშვნა: ამ მუხლის მოქმედება არ ვრცელდება „უცხოელთა და მოქალაქეობის არმქონე პირთა სამართლებრივი მდგომარეობის შესახებ“ საქართველოს კანონის მე-13 მუხლის პირველი პუნქტის „ა“ ქვეპუნქტზე.“.

2. 191-ე მუხლი ჩამოყალიბდეს შემდეგი რედაქციით:

**„მუხლი 191. საქართველოში უცხოელისა და მოქალაქეობის არმქონე პირის ყოფნის, აგრეთვე მათ მიერ საქართველოს ტერიტორიაზე ტრანზიტით მგზავრობის წესების დარღვევა**

1. უცხოელის ან მოქალაქეობის არმქონე პირის ყოფნა საქართველოში კანონიერად ყოფნის ვადის ამოწურვის დღიდან 3 თვემდე პერიოდის განმავლობაში –

გამოიწვევს დაჯარიმებას 180 ლარის ოდენობით.

2. უცხოელის ან მოქალაქეობის არმქონე პირის ყოფნა საქართველოში კანონიერად ყოფნის ვადის ამოწურვის დღიდან 3 თვეზე მეტ ხანს –

გამოიწვევს დაჯარიმებას 360 ლარის ოდენობით.

3. უცხოელის ან მოქალაქეობის არმქონე პირის მიერ საქართველოს ტერიტორიაზე ტრანზიტით მგზავრობის წესების დარღვევა –

გამოიწვევს დაჯარიმებას 100 ლარის ოდენობით.

4. საქართველოში რეგისტრირებული იურიდიული ან ფიზიკური პირის მიერ უცხოელის ან მოქალაქეობის არმქონე პირის საქართველოში მოწვევა ან/და მისი მომსახურების უზრუნველყოფა ან/და მისი მომსახურებით სარგებლობა საქართველოში ცხოვრების, მუშაობისა და სწავლის უფლების მოპოვების დადგენილი წესების დარღვევით –

გამოიწვევს გაფრთხილებას ან დაჯარიმებას 1000 ლარის ოდენობით.

შენიშვნა: ამ მუხლის პირველი-მე-3 ნაწილებით გათვალისწინებული ჯარიმის გადაუხდელობის შემთხვევაში ამის თაობაზე ეცნობებათ საქართველოს საგარეო საქმეთა სამინისტროსა და საქართველოს შინაგან საქმეთა სამინისტროს შესაბამის ორგანოებს, რომლებიც ამ მუხლის პირველი-მე-3 ნაწილებით



გათვალისწინებულ შემთხვევებში პირის მიერ ჯარიმის გადახდამდე მასზე არ გასცემენ საქართველოს ვიზას და მას არ მიეცემა საქართველოში შემოსვლის ნებართვა.“.

### 3. 208-ე მუხლი ჩამოყალიბდეს შემდეგი რედაქციით:

„**მუხლი 208.** რაიონული (საქალაქო) სასამართლოს განსჯადი ადმინისტრაციულ სამართალდარღვევათა საქმეები

რაიონული (საქალაქო) სასამართლო განიხილავს ადმინისტრაციულ სამართალდარღვევათა საქმეებს, რომლებიც გათვალისწინებულია ამ კოდექსის 42<sup>1</sup> და 42<sup>2</sup> მუხლებით, 43-ე მუხლის მე-2 ნაწილით, 44-ე–44<sup>3</sup>, 44<sup>5</sup>, 44<sup>7</sup>–44<sup>12</sup>, 45-ე–46<sup>1</sup>, 48-ე, 49-ე, 50<sup>1</sup>–55<sup>4</sup>, 56-ე, 57-ე–59-ე, 59<sup>2</sup>, 59<sup>3</sup>, მე-60, 60<sup>3</sup>, 61-ე, 61<sup>1</sup>, 63-ე, 63<sup>1</sup>–65-ე, 66-ე–69-ე, 71-ე, 71<sup>1</sup>, 72<sup>1</sup>–78-ე, 79<sup>1</sup>–82<sup>2</sup>, 84-ე–86-ე, 88-ე–89<sup>3</sup>, 91<sup>2</sup>, 94-ე, 95-ე, 99-ე, 100<sup>1</sup>, 100<sup>2</sup>, 103<sup>1</sup>, 104-ე და 105<sup>1</sup> მუხლებით, 127<sup>1</sup> მუხლის მე-5 ნაწილით, 128<sup>1</sup>–128<sup>5</sup>, 143-ე, 144-ე, 144<sup>10</sup>, 145-ე, 146<sup>1</sup>, 148-ე, 150-ე–151-ე, 152-ე, 152<sup>2</sup>–153<sup>1</sup> და 153<sup>3</sup>–153<sup>5</sup> მუხლებით, 153<sup>6</sup> მუხლის მე-2 ნაწილით, 154-ე–154<sup>2</sup>, 155<sup>1</sup>–156-ე, 157<sup>1</sup>–158<sup>1</sup>, 159-ე, 159<sup>1</sup>, 159<sup>4</sup>–159<sup>10</sup>, 163-ე, 164-ე, 164<sup>4</sup>, 165<sup>1</sup>–165<sup>3</sup>, 166-ე და 167-ე მუხლებით, 171-ე მუხლის მე-3 ნაწილით, 171<sup>1</sup>, 172<sup>4</sup>, 172<sup>5</sup>, 173-ე, 173<sup>4</sup>–173<sup>7</sup>, 173<sup>9</sup>, 173<sup>12</sup> და 174<sup>1</sup> მუხლებით, 174<sup>15</sup> მუხლის მე-4 ნაწილით, 175<sup>1</sup>, 175<sup>2</sup>, 177<sup>8</sup>, 177<sup>9</sup>, 177<sup>11</sup>, 178-ე, 179<sup>1</sup>–179<sup>3</sup>, 180-ე და 181-ე მუხლებით, 181<sup>1</sup> მუხლის მე-2 ნაწილით, 182-ე, 183-ე, 187-ე–187<sup>2</sup>, 189-ე, 192-ე, 195-ე, 196<sup>3</sup>, 196<sup>6</sup> და 197<sup>1</sup> მუხლებით.“.

საქართველოს 2014 წლის 29 ივლისის კანონი №2556 - ვებგვერდი, 08.08.2014წ.

### 4. 209-ე მუხლის პირველი ნაწილი ჩამოყალიბდეს შემდეგი რედაქციით:

„1. შინაგან საქმეთა ორგანოები განიხილავენ ადმინისტრაციულ სამართალდარღვევათა საქმეებს, რომლებიც გათვალისწინებულია ამ კოდექსის 58<sup>3</sup>, 107<sup>1</sup>–107<sup>3</sup>, 108-ე, 114<sup>1</sup>, 114<sup>2</sup>, 116-ე, 118-ე–119-ე, 120-ე–123-ე, 125-ე და 127-ე მუხლებით, 127<sup>1</sup> მუხლის პირველი, 1<sup>1</sup>, მე-2, მე-6 და მე-7 ნაწილებით, 128-ე მუხლის პირველი და მე-2 ნაწილებით, 129<sup>1</sup> მუხლით, 131-ე მუხლით (საავტომობილო ტრანსპორტზე ჩადენილი სამართალდარღვევებისათვის), 134-ე მუხლით, 153<sup>6</sup> მუხლის პირველი და მე-3 ნაწილებით, 155-ე და 170-ე მუხლებით, 171-ე მუხლის პირველი და მე-2 ნაწილებით, 172-ე მუხლით, 174<sup>15</sup> მუხლით (გარდა მე-4 ნაწილისა), 174<sup>16</sup> და 176<sup>1</sup> მუხლებით, 181<sup>1</sup> მუხლის პირველი ნაწილით, 182<sup>1</sup>, 182<sup>2</sup>, 190-ე, 190<sup>2</sup> და 191-ე მუხლებით.“.

### 5. 239-ე მუხლის მე-13 ნაწილი ჩამოყალიბდეს შემდეგი რედაქციით:

„13. ამ კოდექსის 45-ე, 58<sup>3</sup>, 81-ე, 107-ე, 114<sup>1</sup>, 114<sup>2</sup>, 116-ე, 118-ე–123-ე, 125-ე და 127-ე მუხლებით, 127<sup>1</sup> მუხლის პირველი, 1<sup>1</sup>, მე-2, მე-6 და მე-7 ნაწილებით, 134-ე, 139<sup>5</sup>, 150-ე და 153<sup>3</sup> მუხლებით, 153<sup>6</sup> მუხლის მე-2 ნაწილით, 166-ე, 173-ე, 174<sup>1</sup>, 174<sup>15</sup>, 174<sup>16</sup>, 175<sup>2</sup>, 176<sup>1</sup>, 177<sup>1</sup>, 180-ე–183-ე, 190-ე, 190<sup>2</sup> და 191-ე მუხლებით გათვალისწინებულ ადმინისტრაციულ სამართალდარღვევათა შესახებ ოქმებს ადგენენ შინაგან საქმეთა ორგანოები, ხოლო საქართველოს შინაგან საქმეთა სამინისტროს სამხედრო მოსამსახურის მიერ ამ კოდექსის 45-ე, 166-ე და 197<sup>2</sup> მუხლებით გათვალისწინებული ადმინისტრაციული სამართალდარღვევების ჩადენის შემთხვევებში ოქმებს ადგენს საქართველოს შინაგან საქმეთა სამინისტროს უფლებამოსილი პირი.“.

**მუხლი 2.** საქართველოს შინაგან საქმეთა სამინისტრომ უზრუნველყოს „ადმინისტრაციულ სამართალდარღვევათა ოქმის, საჯარიმო ქვითრისა და სატრანსპორტო საშუალების მართვის დროებითი ნებართვის ფორმების დამტკიცების, მათი შევსებისა და ადმინისტრაციულ სამართალდარღვევათა საქმის განმხილველ ორგანოში წარდგენის წესის შესახებ“ საქართველოს შინაგან საქმეთა მინისტრის 2005 წლის 4 აგვისტოს №792 ბრძანებაში შესაბამისი ცვლილების განხორციელება.

## მუხლი 3

1. ეს კანონი, გარდა ამ კანონის პირველი მუხლისა, ამოქმედდეს გამოქვეყნებისთანავე.

2. ამ კანონის პირველი მუხლი ამოქმედდეს 2014 წლის 1 სექტემბრიდან.



საქართველოს პრეზიდენტი

გიორგი მარგველაშვილი

ქუთაისი,

5 მარტი 2014 წ.

N2046-ილს

